

gontier ñre Cuisinier qui s'aperceuant de cela monta aussy tost & sans autre bruit esteignit le feu.

on dit la grande messe du Iour sur les 8. heures, & deuant & apres deux prestres dirent leur trois messes.

a vespres on chanta quelques pscaumes en faux-bourdon.

on va a beauport

Le P. Vimont apres auoir assisté au Salut des Hospitalieres s'en alla a beauport p^r. ceux qui n'auoient pu venir icy; il y fut 3. Iours.

*Sauuages gâgnent
le Iubilé.*

Le 26. Iour de St. Estienne La bourgade de Sillery vint icy en procession faire ses stations p^r. gangner le Iubilé deux de nos hommes portoient la baniere & la croix, les PP. de Quen & dreuilletes vinrent avec eux en Surplis & dominau, & entre'eux deux toute la troupe des sauuages Xstiens au nombre de plus d'une centaine. ils vinrent a Ieun en vn temps grandement froid, & s'en retournerent sans manger. on leur fit festin au retour a Sillery de la part de Mons^r. le Gouverneur: ils chanterent par tout fort melodieusement, & dirent vne dizaine de leur chapelet.

On ferme le Iubilé.

Le dernier Iour de l'an se firma le Iubilé; nvl pensasmes faire procession, mais le temps d'hyuer n'est nullem^t. commode pour cela. on se contenta donc de faire le salut a l'ordinaire a l'issue de vespres, on tira trois coups de Canon lors qu'on donna la benediction avec le St. Sacrement, & on alla aux maisons